



A lean Seru in.

DIVERS temperamens soustient nostre corps.
Par Elemens diuers ceste machine ronde
En son estre se tient. Brief l'un & l'autre monde
Subsiste doucement par discordans accords.
Combien que nous sentions maints horribles discords
Es estats, es maisons, sur la terre & sur l'onde:
Dieu sçait tout accorder par sagesse profonde,
Son vueil & son honneur demourans les plus forts.
Ces graues tons, **S E R V I N**, estonnent ma pensee:
Mais elle se redresse en oiant les doux sons
Et discords accordans es humaines chansons:
Et par dessus le monde incontinent haussée
D'oreille nette entend l'accord melodieux
Des Esprits celebrans le Dieu de tous les dieux.

En attendant.

